



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ამირაჯიბი სოფიო ვასილის ასული

ამირაჯიბი (ქალიშვილობის გვარი – არლუთაშვილ– მხარგრძელი) სოფიო ვასილის ასული [1 (13). X.1847, თბილისი, – 14 (27). VI. 1906, მოსკოვი], პოეტი, მთარგმნელი.

პირველდაწყებითი განათლება შინ მიიღო, შემდეგ ფაბრის პანსიონში მიაბარეს. დამოუკიდებლად შეისწავლა რუს. და ფრანგ. ენები. იყო მეუღლე გენ.-ლ. მიხეილ ქაიხოსროს ძე ამირაჯიბისა. ა-მა რუსულად თარგმნა ქართვ. პოეტების ნ. ბარათაშვილის, გრიგოლ, ვახტანგ და ნინო ორბელიანების, მ. თუმანიშვილის, ი. ჭავჭავაძის, რ. ერისთავის, მ. გურიელის, ა. წერეთლის, გ. აბაშიძის, ვაჟა-ფშაველას, შ. არაგვისპირელის, ი. ვედოშვილის, განდევილის, ია ეკალაძის, ე. მიქელაძის და ლ. ციციშვილის ნაწარმოებები. ეს თარგმანები იბეჭდებოდა „კავკაზსკი ვესტნიკში“, „არგონავტში“, „ნოვოე ობობრენიეში“, „ტიფლისსკი ლისტოკში“ და სხვ.

1909 მოსკოვში დაიბეჭდა „ქართველი პოეტების ლექსების კრებული“ ა. ხახანაშვილის მცირე წინასიტყვაობით, რ-შიც შეტანილია ჩამოთვლილ პოეტთა ნაწარმოებების მისეული თარგმანები სურათებითა და ბიოგრ.-ბიბლიოგრაფიული ცნობებით.

დაკრძალულია მწერალთა და საზ. მოღვაწეთა დიდუბის პანთეონში.

ს. ხუციშვილი
